

نومرو ۲۳ - ۲۸ شعبان ۱۳۲۹

پنجشنبه کونلری نشر اولنور

۱۱ آغستوس ۱۳۲۷

صاحب امتیاز و سر محرری
اورفه مبعوثی

شیخ صفوت

مرکز توزیمی باب عالی جاده سنده
جمعیت کتبخانه سیدر

نسخه سی ۲۰ پاره در

تصوف

التصوف کله آداب : ابو حفص عمر بن مسلمه

عرفای امتک مقالات عارفانه لرینه تصوفک صحیفه لری آچیقدر

تصوفه متعلق مباحث شتادن باحث و مکارم اخلاق اسلامیتک تعمیمنه خادم مجله* مغنویه در

رات در سعادت پوسته خانه سته
تصوف جریده سی نامه کوندر ملیدر.
قوطلو نومرو سی ۱۴۳

شرائط اشترا

سنه لکی ممالک عثمانیه ایچون
۳۰ غروش ، مصر و ممالک اجنبیه
ایچون ۷ فراقدر .

ایلیکنندن ناشی حکمدار مشارالیه غضبناک اوله رق معبری
حضورندن طرد و تحقیر ایله دیگر بر معبرك حضورنی
امر ایتش حالبوکه اخیراً کلن معبر دقیقه شناسان
حکمای فن بلاغندن اولدینی جهته رؤیای واقعك
حکمدار طرفندن نقل و حکایه اولمسنه جواباً: « ولی نعمتم
عموم اقرارلایکزدن ده زاید معبر اوله جقسکز » عباره سیله
تعبیر ایتش و بنا علیه انواع تلطیفاته مظهر اولمشدر .


دقت بیورلسون بو تعبیرك ایکیسی آرمسده اکرچه
لفظاً بر تبدل واقع ايسده من حیث العبارة ایکیسی ده بر
در. شو قدرکه برنجی تعبیر حسن بیاندن عاری بولندی
جهته صاحبی سزاوار تکدیر و تحقیر ایکنجی تعبیر
ایسه او فضیلتی بلغا مبالغ جامع اولدیغندن ناشی قائل
لایق تکریم و توقیر ایتشدر .

فخر کائنات و افصح مخلوقات اولان جناب رسالتناه
افدمن حضرتبری بر کون فصاحت لسان و حسن
بیان ایله مشهور جهان اولان عم مکرمتری عباس
حضرتلرینه : « یعجنی جمالك » عباره سیله ابدال بیور-
دقیری خطاب التفاتکاری اوزرینه مشارالیه طرفندن
« یارسول الله کشینک جمالی نعدن عبارتدر » دیو واقع
اولان سواللرینه جواباً: انسانك جمالی لسانندن عبارت
اولدینی بیان و تفسیر بیورمشدر .

نه ایسه هان جناب حق جمله مزى بشون
موجودیتمزله اخوان دینزه خدمت ایتك شرفنه مظهر
ایتمکله بختیار و بمنسون و هر درلو افات و مصائب
لسانیندن محفوظ و مصون بیورسون آمین .

حیدری زاده

ابراهیم



ناظم پاشا حضرتلرینك سوز عوانلی آثار بلیغاته
لرندن اولمغله بالاده کی مقاله یه تعلق اولدیغندن ناشی
بورایه عیناً درجی مناسب کوریلان منقولمه در :

سوز

آز سوله سکوتی عادت ایله

سوزده ادبه رعایت ایله

سوز قالب کائناته جاندر

سوز جسم هویته لساندر

سوزدن بیلیر کال آدم

سوزدر سبب نظام عالم

هر شخصی افاضل زمانه

قولیه چکرلر امتحانه

هر قائل بیال کفتار

بر سوزله ایدر مزیت اظهار

قولی ایدر عقلنه دلالت

فعلی ایدر اصلنه دلالت

سوز اولسده مشعر کرامت

حفظنده سلامت و تراحت

سوز مرد نژی آتم ایلر

سوز شخص کریمی ظالم ایلر

بر لفظ غم آور ودل آزار

بیک قابی ایدر رهین اکدار

تیغ سمتک دواسی قابل

سوز زخك التیامی مشکل

سوزدر سبب بلا و نکبت

انواع فلاکت و مصیبت

قولیه اولور بشر بلاخواه

بر فاجعه کیم نمود بالله

انواع مزاحم و متاعب

هر درلو مفاسد و مصائب

هر شخصه کلیر سوزی یوزندن

آزرده اولور اوزی سوزندن

پر کولر اولور همیشه هربار

مطمون قصور لغو و اکثار

بر کولر اولور یلانچی اکثر
واقع کبی هر محالی سویلر

چوق سویلنک خلاقی چوقدر
یهوده کزانی ولافی چوقدر

هر بحثه کیروب آتیلمه اوله
سوز صاحبی اول دوشونده سویل

سوز صاحبی هرزه کو دکدر
سوز یهوده کفتککو دکدر

ضمننده بلاغت و فصاحت
اسلوب بیان عین حکمت

نطق ایله حواسی خمس باطن
مجهولانه اولور مقارن

نطقک شرفیه نوع انسان
تمیز ایله وایه مندر رجحان

نطقک سبیله عقل و ادراک
بو رتبه فهیم وچست وچالاک

بر ناطق مصلحت بیانی
هم مطلب ایدر مخالفانی

بر سوزله خطیب نکته یرا
دهشتلر ایدر قلوبه القا

بر سوزله بر عاقل سخنور
بر چوق خصمانی ملزم ایلر

بر سوزله بر عاقل سیاسی
اسکات ایدر عاقلان ناسی

بر سوزله بر آمر موفق
بر آردویه جان ویریر محقق

بر سوزله ایدر الیه اکبر
مغلوب اولان اردویی مظفر

سوز بوقسه ده خیر اولان کلامه
آز سویلکه اول مع السلامه

یا خیر ایله قیل زبانی اطلاق
یا صمت ایله ایت لسانی انطاق

مراقبه

اهل الله کرام عندنده متفق اوله رق ارکان طریقتدن
یلنمش اولان برر کن مهمده (مراقبه) در .

مراقبه، مبتدی سالک لریچون انشای ذکرده متوسطین
ایچون اکثر اوقاتده و مترقب لریچون دایما مرشدینک
اشکالنی قوه خیالیه سنده حفظ و حراست ایتمکله برابر
کندی قلبنی مرشدک قلبنه بر خائطه معنویه ایله مربوط
فرض ایدرک حرکات واحوالنی مرشدک حرکات
واحوالنه ترک واورادن کندیسنه واقع اوله جق و ارادت
غیبیه و تجلیات سبحانییه انتظار ایلمکدر .

مراقبه، بر رابطه معنویه درکه سالکینه زلال معرفت
آنحیق بوراه ایله جریان ایدن . (یا ایها الذین آمنوا
اصبروا و صابروا و رابطوا فاتقوا الله لعلمکم تفلحون)
آیت جلیله سنده اشبو رابطه معنویه دلالت واردر .
مراقبه سنده صاحب رسوخ اولان سالک لره اصحاب قوه
دینور، رسول الله (ص ع) افندمن حضرت لری (واعلموا
رحمکم الله ان الفتوة خائطه شریفه و رابطه لطیفه وهی شعارنی
وشعار الانبیاء والمرسلین من قبلی و دنثار الاولیاء والمتقین
من بعدی وانا الفتا وابن الفتا واخلو الفتا واخلو الفتا) بیور-
مشدر . بناءً علیه اصول مراقبه وارث علم لدنی اولان
اولیاء الله حضرت اندن صدر آ عن صدر تلقین و اخذ و تالیق
ایدیله لککده بولنمشدر . بوحال اول امرده - اکثر
احوال مجاهده کبی - محان ظن اولنور، و مرشدک اشکالنی
تحیل ایتمکدن سالک لریچون منفعت حصولی استبعاد
اولنه ییلنور . حالوکه بو ظن و اعتقاد عدم تجزیه وجهه-
لندن کلور چونکه اهل الله عظام حضراتی اصول مراقبه نی
قبول ایتمشدر ، مراقبه سز سیر سلوک قابل اوله میه جفته
قانع اولمشدردر .